

Edizione diplomatico-interpretativa

	I
<p>Par dieu sire de champaigne et de brie; ie me sui mult dune riens merueilliez. que ie uoi bien que uous ne chantez mie; ainz estespou iolis et enuoisiez. car me dites pour quoi uous le lessiez. estez revient et la seso(n)s florie. que touz li mons doit estre bauz et liez. et bien sachi ez que mains en uaudriez. samors sestoit si tost de uos partie.</p>	<p>Par Dieu, sire de Champaigne et de Brie, je me sui mult d?une riens merveilliez, que je voi bien que vous ne chantez mie, ainz estes pou jolis et envoisiez; car me dites pour quoi vous le lessiez. Etez revient et la sesons florie, que touz li mons doit estre bauz et liez; et bien sachiez que mains en vaudriez. S?Amors s?estoit si tost de vos partie.</p>
	II
<p>Phelipe nai de cha(n) con fere enuie; que damors sui par tiz et esloigniez. ie lai long tens seruie et honoree; non ques par li ne fui ior auan ciez. si ne ueeil pas de li estre chargez. par tout la uoi et remese et faillie mult est se(s) nons et ses pris abessiez. du tout men part et uous si fe riez. se ne uolez demorer en folie.</p>	<p>Phelipe, n?ai de chançon fere envie, que d?Amors sui partiz et esloigniez. Je l?ai lonc tens servie et honoree, n?onques par li ne fui jor avanciez, si ne vueil pas de li estre chargez. Par tout la voi et remese et faillie, mult est ses nons et ses pris abessiez. Du tout m?en part et vous si feriez, se ne volez demorer en folie.</p>
	III

<p>Sire a grant tort mauez amors blasmee; et du partir fol conseil me donez. samors auez mal seruie (et) gui lee; pour ce nest pas ses nons deshonorez. car damors uient toute honor et bontez. qui b(ie)n la sert en fez et en pensee. ne puet faillir ne remaigne ho nerez. que sanz amors nest n(us) adroit loez. et cil puet bien po ualoir qui ni bee.</p>	<p>Sire, a grant tort m?avez Amors blasmee et du partir fol conseil me donez. S?Amors avez mal servie et guilee, pour ce n?est pas ses nons deshonorez, car d?Amors vient toute honor et bontez. Qui bien la sert en fez et en pensee ne puet faillir ne remaigne honorez, que sanz Amors n?est nus a droit loez, et cil puet bien po valoir qui n?i bee.</p>
IV	IV
<p>Phelipe amors est chose forsenee; ne nus ne doit sieurre ses uolen tez. tant la conois tricheres se prouuer; que ie pris pou li et ses faussetez. ainz me sui si de li seruir lassez. que genhe ceus par qui ele est loee. pour ce uous pri que iames nen cha(n) tez. que uous serez touz dis p(ar) li [loez] guilez. si com ie sui qui ainz nen oi soudee.</p>	<p>Phelipe, Amors est chose forsenee, ne nus ne doit sieurre ses volentez. Tant la conois tricheresse prouver que je pris pou li et ses faussetez, ainz me sui si de li servir lassez que g?en hé ceus par qui ele est loee. Pour ce vous pri que jamés n?en chantez, que vous serez touz dis par li guilez, si com je sui qui ainz n?en oi soudee.</p>
V	V
<p>Sire t(ro)p est est amors et douce et chie re; et trop men plest li ser uirs et li nons. seruirai la sanz moi retrere arriere; dueure et de cuer et de fere chancons. quant li plera sen aurai guer redon. car ie la sai loial et droi turiere. sele toute est blasmee des felons. des desloiax qui qie rent acheson. ce mest mult bel quant il la trueuent fiere.</p>	<p>Sire, trop est est Amors et douce et chiere, et trop m?en plest li servirs et li nons. Servirai la, sanz moi retrere arriere, d?uevre et de cuer et de fere chancons. Quant li plera, s?en avrai guerredon, car je la sai loial et droituriere. S?ele toute est blasmee des felons, des desloiax qui qierent acheson, ce m?est mult bel quant il la trueuent fiere.</p>

- letto 85 volte